



ქალაქ ფოთის მუნიციპალიტეტის საკრებულო

განკარგულება № 3/8

2019 წლის 30 იანვარი

ქალაქი ფოთი

ქალაქ ფოთის მუნიციპალიტეტის საკუთრებაში არსებული უძრავი ქონების მართვასთან დაკავშირებით ქალაქ ფოთის მუნიციპალიტეტის მერისთვის თანხმობის მიცემის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „დ.ა“ ქვეპუნქტის, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის, 2014 წლის 8 დეკემბრის, №669 დადგენილების შესაბამისად,

მუხლი 1.

მიეცეს თანხმობა ქალაქ ფოთის მუნიციპალიტეტის მერს, მართოს ქალაქ ფოთის მუნიციპალიტეტის საკუთრებაში არსებული უძრავი ქონება, კერძოდ: სსიპ საჯარო რეესტრის ეროვნულ სააგენტოში განახორციელოს უძრავი ქონების ქალაქ ფოთის მუნიციპალიტეტის საკუთრებად რეგისტრაცია, დაყოფა (გამიჯვნა)/გაერთიანება, რეგისტრირებულ უფლებაში ცვლილების შეტანა (ცვლილების რეგისტრაცია), რეგისტრირებულ მონაცემებში უფლების სუბიექტისა და ობიექტის საიდენტიფიკაციო მონაცემების ცვლილება, სარეგისტრაციო წარმოების განახლება/შეწყვეტა, დამისამართება/ნუმერაცია, ნუმერაციის ცვლილება, მუნიციპალიტეტის საკუთრებაში არსებულ უძრავ ქონებაზე სერვიტუტის წარმოშობა (მუნიციპალიტეტის სასარგებლოდ), ამონაწერისა და საკადასტრო გეგმის მომზადება.

მუხლი 2.

უძრავი ქონების ქალაქ ფოთის მუნიციპალიტეტის საკუთრებად რეგისტრაცია, დაყოფა (გამიჯვნა)/გაერთიანება, რეგისტრირებულ უფლებაში ცვლილების შეტანა (ცვლილების რეგისტრაცია), მუნიციპალიტეტის საკუთრებაში არსებულ უძრავ ქონებაზე სერვიტუტის წარმოშობა (მუნიციპალიტეტის სასარგებლოდ) ხორციელდება ქალაქ ფოთის მუნიციპალიტეტის მერის ინდივიდუალურ-ადმინისტრაციული სამართლებრივი აქტით.

მუხლი 3.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია 2019 წლის 30 იანვრიდან.

საკრებულოს თავმჯდომარე



ირაკლი კაკულია